

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن برمجیدیه اخذ
ایدیلور

نسخه سی ۴۰ پاره در

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

تذکره محاکمه علییه

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

توضیحات

آیدین ولایتی استیناف محکمه سی جزا دائره سی
ریاستی سالانیک ولایتی استیناف محکمه سی جزا
دائره سی رئیس عزتلو اسحق شوقی افندی به
سالانیک ولایتی استیناف محکمه سی جزا دائره سی
ریاستی آیدین ولایتی استیناف محکمه سی مدعی
عمومی عزتلو مصطفی حسیب افندی به
آیدین ولایتی استیناف محکمه سی مدعی عمومیلکی
دیار بکر ولایتی استیناف محکمه سی مدعی عمومی
عزتلو حکمت بکه

دیار بکر ولایتی استیناف محکمه سی مدعی عمومیلکی
اطنه ولایتی مرکز بدایت محکمه سی جزا دائره سی
رئیس رفعتلو محمد سالم افندی به
اطنه ولایتی مرکز بدایت محکمه سی جزا
دائره سی ریاستی قونیه ولایتی مرکز بدایت محکمه سی
مدعی عمومی معاون فیضتلو احمد حمدی افندی به
قونیه ولایتی مرکز بدایت محکمه سی مدعی
عمومی معاونلکی دده اغاج سنجانی بدایت محکمه سی
جزا دائره سی رئیس رفعتلو معمر بکه
دده اغاج سنجانی بدایت محکمه سی جزا دائره سی
ریاستی لمی سنجانی بدایت محکمه سی مدعی عمومی
معاونی توفیق افندی به

لمی سنجانی بدایت محکمه سی مدعی عمومی
معاونلکی سرفیچه سنجانی بدایت محکمه سی مدعی
عمومی معاون سابق عزتلو احمد مختار بکه تفویض
بیورلمش ومومی الیهمدن اسحق شوقی وحدی
افندیلردن ماعداسی ذاتاً مخاف اولدینی کبی مومی
الیهمانک ده علی الاصول بوکره اجرای تحلیف لری محللرینه
تبلیغ و انبا قلمشدر.

قدس شریف سنجانی بدایت محکمه سی جزا دائره سی
رئیس عزتلو عمر لطفی افندی به ترفیعاً متمایز
محکمه مزبوره اعضا سندن عزتلو فیضی وجورجی
افندیلره ثانیه صنف ثانیسی

محکمه مزبوره جزا دائره سی باش کاتبی رفعتلو
احمد افندی به ثالثه رتبه لری توجیه بیورلمشدر.

تبلیغات

محاکم ابتدایه نزدنده بولنان مستطقلرک، جنحه
درجه سنده لزوم محاکمه قرارنامه سیله جنحه دعوالرینی
رؤیته مأمور اولان محاکمه سوق ایتدکلی مظلون
علیهلرک انشای محاکمه فعللری مجازات تریهیه یی
مستلزم جنایت نوعندن کوریلوب اولابده کی محاکمه
ضبطنامه سیله قرار، اتهام مضبطه سی مقامه قائم
اوله رق بو مقوله لر جنایت دعوالرینی رؤیته مأمور
اولان محکمه به کوندلمکده ایکن محکمه تمیزک قرار
اخیری اوزرینه بولنرک برکرده هیئت اتهامیه به
کوندلمسی اصول اتخاذ اولنش ایسه ده هیئت اتهامیه به
بو مقوله لرک فعلی بعضاً جنحه نوعندن عد ایدیلوب
اوراق دعوانک قضا محکمه سنه کوندلمکده وقضا
بدایت محکمه لری ایسه هیئت اتهامیه نک رأی و قرارینه
اتباعه قانوناً مجبور اولیوب چوق کره اسکی قرارلر
نده اصرار و مذکور لوا مستطقلری دخی بو مثللو
ایشلرده عدم صلاحیت قرارنامه سی اسطار ایتکده
اولدیلرندن اوراق دعوی سورونجه ده قاله رق خلاف
رضای عالی مظلون علیهلرک طول مدت حال موقو-
فیتده قالدقاری مشاهد اولدیغندن بحشله بو مقوله
مظلونلرک معامله سابقه دائره سنده قضا بدایت محکمه
سنگ جنایت قرارینی حاوی اولان محاکمه ضبطنامه
سیله همان جنایت دعوالرینی رؤیته مأمور اولان
محکمه به سوق موافق مصلحت اوله جغنه دائر
خداوندکار ولایتی عدلیه مفتشکلندن وقوعبولان
اشعار اوزرینه ایجاب کیفیت انجمن عدلیه به
لدی التذکر مجازات تریهیه یی مستلزم فعلک فاعلی
اولغله مظلون علیه بولنان برکیمسه نک جنایت محکمه
سنه سوق قانوناً هیئت اتهامیه به اتهام ایدلمش و محکمه
جنایت توقیفخانه سنه نقله متوقف بولنش اولسنه
کوره جنحه محکمه سنجه مظلون علیهلرک فعلی جنایت

نوعندن عد اوله رق جنایت محکمه سنه سوقه دائر
ویریلان قرار ایله محاکمه ضبطنامه سی هیئت اتهامیه
مضبطه سی مقامه قائم اوله میه جنی جهتله بو مقوله لرک
هیئت اتهامیه به سوق ضروری اولوب هیئت اتهامیه به
جنحه محکمه سنگ قرار واقعنه مخالف اولمق اوزره
فعلک جنحه درجه سنده اولدیغنه قرار ویرلدیکی
صورتنده مظلون علیهلرک ویا مدعی عمومی وشخصینک
استدعاسی اوزرینه محکمه تمیزجه تعیین مرجع ایتد-
یرلمسی اقتضا ایده جکلندن تعیین مرجع حقنده لاحق
اوله حق تمیز قراری اوزرینه معین اولان مرجع
قانونیسنده اجرای محاکمه واعطای حکم ایدیلرک
هیئت اتهامیه ایله جنحه محکمه سی بیننده وقوعه کلان
اختلاف مرتفع اوله جنی کبی طول مدت امتداد
موقوفته دخی محل قالمیه جنی افاده اولنش و کیفیت
اولوجهله عدلیه نظارت جلیله سندن جواباً مذکور
مفتشکلک تبلیغ قلمشدر.

محاکمه مفسرالت

در سعادت استیناف مدعی عمر بیلکندنه:

ارباب فساددن اولدینی ادعاسیله متهم
بولنان جلال شوقی حقنده اصول محاکمات
جزایه قانوننک اوچیوز یتیش برنجی ماده سی
موجبجه معامله مقتضیه ایفا و محاکمه غیایه سی
بالاجرا نتیجه سنده مرقومک مملکتندن فرار
ایله پارسده کی ارباب فسادده التحاق ایلدیکی
وفسادک اسباب اجراییه سنی تهیه ضمننده
بعض افعال و تدابیره تشبث ایتدیکی ثابت
اولدیغندن قانون جزانک الی سکرنجی ماده-
سنگ فقره اولاسی حکمنه توفیقاً مؤبداً قلعه بند
ایدلمسنه و اوتوز برنجی ماده قانونیه منطوقجه

سنة ٣١٧ تاريخی امرتسر پرېسه توفيقاً قرار مذکورک
نقضی لزومی اخبار قلمشدر .

تدقیقات تمیز به اجرا اولند قدده نظارت جلیله نك
امر تخریر پرېسه عطفاً تبلیغ نامه ده محرر اعتراضات
اوراق مذکوره به نظر ا وارد ومستلزم نقض اسباب
قانونیه به مستند بولند بغه مبنی سائف الذکر اوچیز
قرق یدنجی ماده سته توفیقاً قرار مذکورک نقضه
وايکی یوز غروش تمیز اعلاسی خرجنک تحصیله ١٨
مارت سنة ٣١٨ تاریخنده قرار ویرلدى .

جاسم بن محمدك کیفیت قتلندن دولای جنایتله
اتهام اولنان محمود بن منصورك اون بش سته مدته
کورک قوتلسته دأر بغداد ولایتی استیناف محكمه سی
جزا دأر سندن ویریلان طقوز نومرولی اعلام
محكمه تمیز جزا دأر سنجه تصدیق ایدمشدر .

برادری یاشونی ضرب و جرح ایتمسندن دولای
جنایتله اتهام اولنان وحین ایقاع جرمدہ مراهق نابالغ
اولدینی تحقّق ایدن فهم بن اسلام نام شخصك قرقچی ماده
قانونیه به توفیقاً طقوز ماه مدته حبس ایدلسته دأر
مناسر ولایتی استیناف محكمه سی جزا دأر سندن
ویریلان یوز التمش طقوز نومرولی اعلام محكمه تمیز
جزا دأر سنجه تصدیق اولمشدر .

وان ولایتی مکتوبی قلمی تمیزی مذب افندی ایلہ
سأر لرینك حیواناتی سرق و حدود خاقانی تجاوز
وضبطیه لره استعمال سلاحه جرأت ایلدی ادعا
اولمشندن دولای جنایتله اتهام اولان ایرانی رنجبر
باشو اوغلی تیمورك بش سته مدته کورک قوتلسته دأر
ولایت مذکوره استیناف محكمه سی جزا دأر سندن
اعطا قتلان یوز التمش اتی نومرولی اعلام محكمه تمیز
جزا دأر سنجه تصدیق ایدمشدر .

خضران قریله ی یعقوب اوغلی شاکرک قاتلی
صفره معاونت ایتمسندن دولای جنایتله اتهام اولنان
قاتل مرقومك اوغلی موسانك درت سته مدته کورک
قوتلسته دأر ارغنی سنجانی بدایت محكمه سی جزا
دأر سندن اعطا قتلان یکرمی سکر نومرولی اعلام
محكمه تمیز جزا دأر سنجه تصدیق ایدمشدر .

اینه کول قضاسنك حزه بك قریه سندن بوسته لی
صالح اوغلی بقال بوشناق محمدك لیلا دکاندن اشیا
سرق ایتدیکی ادعا اولمشندن دولای جنایتله اتهام
اولنان اورخانیه محله سی اها لیسندن تاتار احمدك اوچ
سته مدته کورک قوتلسته دأر ارطغرل سنجانی

بدایت محكمه سی جزا دأر سندن اعطا قتلان یوز
طقسان اوچ نومرولی اعلام محكمه تمیز جزا دأر
سنجه تصدیق اولمشدر .

اسپارته سنجانغه تابع قره اغاج قضاسنك سالور
قریه سندن محمد بن صادقی قتل قصديه جرح ومحمد
بن درویشی دخی ضرب ایتمسندن دولای جنایتله
اتهام اولنان قریه مذکورک قویاریق اوغلی احمد
بن محمدك اوچ بیتی سته مدته کورک قوتلسته دأر
لواء مذکور بدایت محكمه سی جزا دأر سندن ویریلان
اللی درت نومرولی اعلام محكمه تمیز جزا دأر سنجه
تصدیق اولمشدر .

زبله قضاسنك اسحقلی قریه سی اها لیسندن
کولک اوغلی احمدك کیفیت قتلندن دولای جنایتله اتهام
اولنان حاجی حسن قریه سی ساکن لرندن محمدك اون
بش سته مدته کورک قوتلسته دأر توقاد سنجانی
بدایت محكمه سی جزا دأر سندن ایکنجی دفعه اوله رق
ویریلان اوچیز نومرولی اعلام محكمه تمیز جزا
دأر سنجه تصدیق اولمشدر .

کيسود ناحیه سنك قریه عیسی قریه سنده مقیم بقال
آبوستولی قتل ایتمسندن دولای جنایتله اتهام اولنان
چرکس یوسف بن شریفك اون بش سته مدته کورک
قوتلسته دأر قره سی سنجانی بدایت محكمه سی جزا
دأر سندن اعطا قتلان درت یوز التمش درت نومرولی
اعلام محكمه تمیز جزا دأر سنجه تصدیق اولمشدر .

اطراف شهر ناحیه سنك قریله ویران قریه سندن
حاجی کوسه اوغلی احمدك کیفیت جرحندن دولای
جنایتله اتهام اولنان مهاجر کره متنجی اوغلی اسماعیلک
اوچ سته مدته کورک قوتلسته دأر کوتاهی سنجانی
بدایت محكمه سی جزا دأر سندن اعطا قتلان یوزالی
بر نومرولی اعلام محكمه تمیز جزا دأر سنجه تصدیق
اولمشدر .

١٠٥ نومرولی نسخه ده مندرج بولنان
جنایت محكمه سی اعلامنك مابعدی :

بر موجب قرار سابق احضار اولنان شاهدن
برر برر حضور محكمه به چقاریله رق لای السؤال
طرفنه قرابت و خصومت ومناسبتلری اولدینگی
سواللره علی الاصول تحلیفاری بعد الاجرا منفرداً
ومواجهه استماع اولدق لرندہ بولردن صاری یارده
اورته چشمه جاده سنده برخا ده ساکن یکرمی اوچ
باشنده عربجه مصطفی ابن شریف، وقه کچهجه سی

شوکت افندی وکامل وعربجه باقرلی محمد وسأره
ایله برلکده مرقوم محمدك خانه سنده برمدت عشرت
ایدوب وقت یکورده کد نصکره طاغله قاری ویا لکتر
محمد اورده قالدینگی مضبوط افاده سی وجهله اخبار
وحقنده شهادت ایتدیکی شخص حضور محكمه ده کی مهم
ایدوکی و زیاده کفلی اولدق لرخی علاوه تذکار ایلدی .
شاهد محل مذکور ده بیولک خانك باغنده برکبه ده
مهم وعربجه محمدك سالیسی قرق باشنده بورغازلی
سلیمان بن راشد، وقه کچهجه سی مقتول کامل ایلہ بر
قاج شخص، اغاسی عربجه محمدك کلبه سته کله رک
مرقوم محمد درودک چالوب دیکر لری دخی دیکلیوب
بر مدت اکلدن کد نصکره طاغله قاری و محمد انلری
تشیع ایلہ دونوب یاندینگی وکندوسی اوکیجه خسته
اولوب ترمک اوزه بتاغه کیرمش اولدینندن کامل ایلہ
برلکده بولنانلرک کیملر اولدیننگ وعشرت ایدوب
ایتمک لرینک فرقه وارده دینگی مضبوط افاده سی وجهله
بیان ایتدی .

اوراق مذکورہ قرائت اولدق و بوکره ده استماع
اولنان شاهدلرک دخی افاده لری ختام بولدق نه
دیجکی مہمدن صورلد قدده افاده سابقه سنده اصرار
ایلدی .

مرقومان مصطفی وسایماندن کچن محاکمه وقو -
عبولان دعوتہ عدم اجابت لرینک سبی سوال اولند قدده
مصطفی خسته بولندینگی بیان وسایمان دخی یارده سزلنی
حسدیلہ کله مامش اولدینگی وخرج راه اعطاسنی طلب
واتیان ایلرله مطالعه سی صوریلان معاون موسی الہک
طای وجهله مرقومانک جزای نقدی مذکورندن
عفو سته وبعدہ حق سز چقہ طر فہ عائد الملق اوزده
مرقوم سابعه مصارف ضروریہ اوله رق عدلیه
نظارت جلیله سی وزنه سندن اون غروش اعطا
ایدلسته متفقاً قرار ویریلرک تفهیم ایدلرکن
صکره مهم وکلک اعضا سیله مدت قانونیه سی طرفندہ
اعطا قلوب برصورتی مدعی عمومی به تبلیغ ایدیلان
عربخا ده اسامی سی محرر اولوب دعوت واقعه به مبنی
ورود ایتدیکری خبر ویریلان شاهد لر برر حضور
محكمه به چقاریله رق لای السؤال طرفنه مانع شهادت
اوله حق قرابت ومناسبت وخصومتلری اولدینگی
سواللره علی الاصول تحلیفاری بعد الاجرا منفرداً
ومواجهه استماع اولدق لرندہ بولردن وفا جوارندہ
برخا ده مقیم معارف مکتوبی قلمندہ کاتب اونوز باشنده
زغره لی سرمده ک ابن علی، مهم شوکت افندی یی
اوتودن بز طایدینگی وحالتی ابو بیلدینکی وعشرت
ایتمدینکی کورمیوب فقط ایشیدینکی اخبار ایلدی .
(مابعدی صکره به)

زوجی تیمورچی شوکت اوسته یی ضرب ایدن
لطیفه خاتمدن برلیرا الهرق مضروبہ اعطاسنه
اسکدارده زنجیرلی خا نه ساکن چارقی حاجی
محمد ایلہ سرکیچی حاجی سیدک مضاربہ ایدلکری
ثابت اولدینندن برر هفته حبس لرینہ
خرستونی ضرب ایدن قاضی قریه سنده ساکن
صغر قصابی یاقونک برر هفته حبسه
مقارده سی نسیمک خطاء مجروحیتہ سبیت ویرن
بشکطاشده ساکن رسومات کتبه سندن صلاح الدین
بکدن یوز غروش مصارف جراحیه نك تحصیلہ
داویدی ضرب ایدن قوزغنجقده ساکن چیلکچی
استاورینک اون کون حبسه

یکدیگرخی ضرب ایدن قاضی قریه سنده ساکن
مناو یاقونک اوچ وکریاقونک دخی بر هفته مدتلره
حبس لرینہ
عیدک بوستانندن قار یوز سرق ایدن اناطولی
حصارندہ ساکن محمد وآرابه سی ابراهیم وچوبان
اسماعیلک یکرمی دردر ساعت حبس لرینہ
صبی مصطفایی ضرب ایدن مستانک صغری سی حبسیله
قرقچی ماده قانونیه به توفیقاً ولیسته تسلیمہ
قسطنی یی ضرب ایدن ارن کوی استاسیونی
قرینده قولہ سی اسماعیل افندی نك چراغی محمدك اون
کون حبسه
سینجه نك دقت سز لکه مجروحیتہ سبیت ویرن
احسانیه محله سنده ساکن رنجبر عبد الہک برهفته
حبسه
استانہ لی محمد افندی نك خلاف تنبیه اوزرندہ
سلاح طاشیدینی اقراریلہ ثابت اولدینندن موسی الہدن
بش بشک جزای نقدی آلمسته

کتبه دن حسام الدین افندی نك اجرای وظیفه
حائده بولیس حسین افندی یی تحقیر ایلدیکی ثابت
اولدینندن موسی الہدن بر آلتون جزای نقدی آلمسته
یوکسک قالدیرمدہ قهوه جیلک ایدن سیوری
حصارلی احمدك سعیدی ضرب ایلدیکی اکلاشلدینندن
مرقومدن بر آلتون آلوب سعیده اعطاسنه
فائجدہ طبخخا نه مدرسه سنده مقیم طلبہ دن
شیلہ لی ابراهیم افندی نك طلبہ دن حق افندی نك مجروحیتہ
سبیت ویردیکی ثابت اولدینندن بر هفته حبسه
ومصارف جراحیه الملق اوزده تقدیر ایدیلان ایکبوز
غروشک دخی تحصیلہ
دلبر خانی ضرب و جرح ایدن قاسم پاشا ده
کوچک پیالہ ده ساکنه عایشه خاتمدن برلیرا آلوب
مجروحیه اعطاسنه

یانیک اموال منقولہ سته اراث خسار و بولیس
طوفان افندی به اجرای وظیفه حائده تشہیر سلاحه

اجتسار ایلدیکی ثابت اولان غلطہ ده باغ قبائنده
ساکن معونه سی صالحک آتی آی حبسه
بولیس چاوشی خبری افندی به اجرای مأموریت
حائده حقارت ایدن کوزتپہ ده ساکن صوچی مصطفی
اغادن بریجق آلتون جزای نقدی اخذینہ
بولیس چاوشی شوق افندی یی اجرای مأموریت
حائده ضرب ایدن طاقونیه سی حافظ سلیمانک آتی
آی حبسه
لامبونی ضرب ایدن چکل کوبنده حوض باشنده
ساکن رنجبر اسماعیل بن ابراهیمک اون کون حبسه
درسعادت، بک اوغلی واسکدار بدایت محكمه لری جزا
دأر لرینجه قرار ویرلشدر .

مُجَازِلَاتُ اِنْتِبَاهِيَّة

قره طوه قضاسی نای و بدایت محكمه سی رئیس
یعقوب صبری ومدعی عمومی معاون وکیل سابقی
بولیس احمد ولاحق سلیمان رشدی و محكمه مذکورہ
اعضاسندن اولوب مستطقلک وظیفه سی ایفا ایتکده
بولنان حسین افندی لرک مواد عادیہ ده خلاف قانون
معامله توقیفه به جرأت ایتدیکری قوصوه ولایتی
استیناف محكمه سی مدعی عموم یلکندن ورود ایدن
اوراق تحقیقه مندرجاندن اکلاشلغله موسی الہمک
محاکمه آلتنه الخارینه عدلیه نظارت جلیله سندن مأذونیت
ویریلرک مذکور مدعی عمومی لک تبلیغات مقتضیه اجرا
ورئیس موسی الہک کیفیت محاکمه سندن طرف عالی
مشیختپناهی به ده معلومات اعطا قلمشدر .

اِخْلَافَات

ارضررم استیناف محكمه سی مدعی عموم یلکندہ :
کینی قضاسنك چناقچی قریه سنده مقیم چاد
سنجاقلی مسروب اوغلی بدروسک زوجہ سی منوش
نام قادیی بالتعمد اتلاف ونعشی دخی قریه مذکورہ
جوارندہ کی کوله القا ایلرندن دولای مظنون
بولنان بدروس و برادری اوخالسک زوجہ سی
اخسونک فعل مذکورہ بحاسرتله فرار ایلدیکری
اولیاده کی اوراق تحقیقه مألرندن اکلاشلغش
وحرکات واقعه لری قانون نجزانک ١٧٠ و ٤٥ نجی
ماده لری احکامنی مستلزم افعال جنایتندن اوله رق
ارضررم استیناف محكمه سی جزا دأر سنده
محاکمه لری اجرا قلمتق اوزده جنایتله اتملرینہ
قرار ویرلش اولدینندن مرقوم ایلہ مزبور نك هرزه -

ده کوریلورلرایسه در دستیه محکمه مذکوره توقیفخانه
سنه تسایم ایدملری لازمکله جکی بالجله ضابطه عدلیه
مأمورلرینک معلومی اولمق اوزره اشبو اخذ و گرفت
مذکره ارضروم ولایتی هیئت اتهامیه سندن بالتنظیم
اعطا قلندی .

جلودار فیض اللهک اشبای تجاریه دنکلرندن ایکی
دنکنی بایمورد ده طلوع اوغلی بابا افندی خانسندن
کیجه لین باجانک اغاجارینی سوکه رک وایپ ایله اشاغی
ایته رک اخذ و سرقیت ایتسندن طولانی مظنون
علیه بولنان اسپرک اورصور قریه سندن الیاسک فعل
مذکوره مجاسرته فرار ایتدیکی اولباده کی اوراق
دعوی مألندن اکلاشلمش و حرکتی قانون
جزانک ایکی یوز یکرمنجی ماده سی حکمنی مستلزم
افعال جنائیهدن اوله رق ارضروم ولایتی استیناف
محکمه سی جزا دائره سنده محاکمه سی اجرا قلنمق
اوزره جنایتله اتهامیه قرار ویرلمش اولدیغندن مرقوم
الیاسک هر زره ده کوریلور ایسه در دستیه محکمه
مذکوره توقیفخانه سنه تسلیمی لازمکله جکی بالجله
ضابطه عدلیه مأمورلرینک معلومی اولمق اوزره اشبو
اخذ و گرفت مذکره سی ارضروم هیئت اتهامیه سندن
بالتنظیم اعطا قلندی .

نامروان قضا سنک قوشه قریه سندن قاسم اوغلی
علی بی تفنک قورشونلریله تعمداً قتل و اتلاف ایتد
کلرندن طولانی مظنون بولنان برتانوص قریه لی محمد
اغا اوغللری موسی و بیرامک فعل مذکوره مجاسرته
فرار ایتدکاری اولباده کی اوراق دعوی مألندن
اکلاشلمش و حرکتلری قانون جزانک قرق بشنجی
ویوزیتشنجی ماده لری حکمنی مستلزم مواد جنائیهدن
اوله رق ارضروم استیناف محکمه سی جزا دائره سنده
محاکمه لری اجرا قلنمق اوزره جنایتله اتهاملرینه
قرار ویرلمش اولدیغندن مرقومانک هر زره ده کوریلورلر
ایسه در دستیه محکمه مذکوره توقیفخانه سنه تسلیم
ایدملری لازمکله جکی بالجله ضابطه عدلیه مأمورلرینک
معلومی اولمق اوزره اشبو اخذ و گرفت مذکره سی
ارضروم هیئت اتهامیه سندن بالتنظیم اعطا قلندی .

نجات بحریه محکمه سنه :

بک اوغلنده پراپالاس اولنک قارشوسنده کی مغازه ده
مقیم ایکن افلاسنه قرار ویرلمش اولان مؤیز غارسون
اولادینک ذمتده الاجغنی اثبات ویا موقتاً قبول
وقید ایتدیرمش اولان الاجقلیلرک قانوننامه تجارتک
ایکی یوز اون برنجی و آتی ولی ایدن ماده سی موجبنجه
مفلس مرقوم طرفندن تکلیف اولنه جق قونقور .

داتونک مذاکره سی چون اشبو تشرین اولک اوننجی
نخشبته کونی ساعت یدی راده لرند محکمه تجارت
بحریه نک افلاس اوطه سنه کلری اعلان اولتور .

استانبولده آصمه التنده پاپاس خاننده اون التی
نومروده عبا جی دیمتری پایقوپلونک تحقیق دیون معاملاتنه
ابتدار اولنه جغندن مرقوم ذمتده الاجنی اولانلرک
اوراق مثبتلرینی حامل اولدقلری حالد اشبو ۳۱۸
سنه سی تشرین اولنک ۲۲ نجی صالی ، ۲۳ نجی
چهاشنبه و ۲۴ نجی نخشبته کونلری ساعت التیدن
طقوزه قدر تجارت بحریه محکمه سنک مصالح افلاسیه
اوطه سنه بالذات ویا بالوکاله مراجعت ایدرک آله جقلرینی
تحقیق دیون دفتینه قید ایتدیرملری لازم کله جکی
وایام مذکوره ظرفنده مراجعت ایتیانلر حقنده
تجارت قانوننک ۲۱۰ نجی ماده سی احکامنک موقع
اجرایه قونیه جنی اعلان اولتور .

اعلامات شرعیه اجرا دائره سنه :

سراج اصنافدن محمد توفیق افندینک وزنده دار
احمد بک زوجه سی فاطمه زهرا خانم ذمتده بااعلام
شرعی الاجنی اولان مبالغ معلومه نک تأمین استیفاسی
ضمننده خانم مومی الیهانک عهده سنده اولوب دینی
مقابلنده وفاء مفروغ و در سعادت بدایت محکمه سی
ایکنجی حقوق دائره سی اعلامیه فروختی محکوم
بولنان اقسرای قربنده چاقراغا محله سنده داود پاشا
اسکله سی جاده سنده واقع مکرر اوتوز نومرو ایله
مرقم بریاب خانه نک نصف حصه شایعه سنک اشبو
تاریخ اعلاندن اعتباراً اون بش کون صکره بالمزایده
فروخته تشبث اولنه جغندن طالب اولنلرک پی سورمک
واطرافلیجه معلومات المقتی استیانلرک در سعادت اعلامات
شرعیه اجرا دائره سنه مراجعت ایللری اعلان اولتور .

فی ۲ تشرین اول سنه ۱۳۱۸

اعلامات نظامیه اجرا دائره سنه :

محمد زکی افندینک بااعلام نظامی صدق افندی
ایله زوجه سی صالحه خانم ذمتلرند الاجنی اولان
مبالغ تأمین استیفاسی چون مدیون مومی الیهانک
عهده تصرفلرند اولوب مرهون و فروختی محکوم
بولنان شهر امینی جوارنده دکر ابدال محله سنده
طوپقو جاده سنده ایکی یوز یکرمنی نومرولی تخمیناً
سکسان آرشون اوزرینه مبنی ایکی قاتدن عبارت
بش اوطه و بر صوفه و بر بودروم و ارقه جهتده
تخمیناً قرق آرشون باغچینی حاوی بریاب اخشاب
خانه تمامنک تاریخ اعلاندن اعتباراً اون بش کون
صکره بالمزایده فروخته تشبث اولنه جنی در سعادت

اعلامات نظامیه اجرا دائره سندن اعلان اولتور .
فی ۱ تشرین اول سنه ۱۳۱۸

بک اوغلی بدایت محکمه سی اجرا دائره سنه :

متوفی یوسف اغا ورنه سنک قهرمان اغا ذمتده
بااعلام محکوم به آله جقلری اولان معلوم المقدار
مبالغ نک تأمین استیفاسی ضمننده مدیون مرقومک
متصرف اولوب حیز آلتنه آنان بشکطاشده سنلک دده
محله سنک مصرلی باغچیه سی زقاغنده کائن عرضاً قرق
وطولاً یکرمنی که جمعاً سکر یوز ذراع مقداری مکرر
قرق درت نومرولی بر قطعه عرصه نک بالمزایده یکرمنی
ایکی بیگ غروش التون اچده بدلنده طالبی عهده سنده
تقرر ایتش اولدیغندن بوندن زیاده یعنی یوزده بش
ضمیله طالب اولانلرک ودها زیاده معلومات المقتی
ایستیانلرک تاریخ اعلاندن اوتوز بر کون ظرفنده
بک اوغلی بدایت محکمه سی اجرا دائره سنه مراجعتله
پی سورملری لازمکله جکی ومدت مذکوره نک انقضاء
سنی متعاقب یعنی شهر تشرین اولک یکرمنی یدنجی
بازار ایرتسی کونی ساعت سکر بچق قرارلرند قرار
قطعیسی کشیده قلنه جغندن یوم مذکور ووقت مزه
بورده مذکور عرصه پیشکاهنده حاضر بولنلری
اعلان اولتور . فی ۲۶ ایلول سنه ۱۳۱۸

اسکدار بدایت محکمه سی اجرا دائره سنه :

محمد شکری افندینک غازیوچی نشان اغا ذمتده
بااعلام مع فائض الاجنی بولنان مبالغ تأمین استیفاسی
ضمننده مرهون بولنان در سعادتده قوم قپو قربنده
چادرجی احمد چابی محله سنک عر بزاده زقاغنده بر
طرفی محمد بک و بعضاً مرحوم نوری افندینک خانه لری
و ارقه طرفی قلعه دیواری و بر طرفی مدیونک باغچه
دیواری و بعضاً کراغوصک خانه سی و طرف رابی
عر بزاده زقاغله محدود دروننده بر مخزن و بر اوطه
و بر صهرنج و تخمیناً بشیوز ذراع باغچه دروننده آخور
و تخمیناً بیگ بشیوز آرشوندن عبارت یکرمنی اوچ
ویکرمنی بش و یکرمنی یدی نومرولی دوز اوغلی
شریخانه سی دیمکله معروف شریخانه دروننده موجود
وبین الاصناف کدک تعبیر اولنان محل مذکورده یوز
یکرمنی سهم اعتباریه متصرف اولدینی اوتوز بر بچق
سهم حصه سنک تاریخ اعلاندن اعتباراً اون بش کون
صکره بالمزایده فروخته مبادرت اولنه جنی اسکدار
بدایت محکمه سی اجرا دائره سندن اعلان اولتور .

فی ۳۰ ایلول سنه ۱۳۱۸